

HASHI

pillugu suna
nalunngiliuk?



Hvad ved du om

HASH?



Hashi pillugu suna nalunngiliuk?

Quppersakkami matumani siunertaq tassaavoq hashimik pujortarnermi kingunerluutaasinnaasut pillugit paasisuttissiineq ilisimatitsinerlu.

Haship timimi ilumut ajoqusiisinaanera paasisariaqarpat. Ajoqusernerit taakku ilai ima perulunnartigaat inuunermi kingusinnerusukut qaangerneqarsinnaanatik.

Akuttunngitsumik hashimik atuisarnerup eqiattartittarpaatit, iluamik eqqarsarsinnaannginneq, soqutigisaarullutit arrillissillutillu. Tamanna atuarninni, ilinniagaqarninni sulinerniluunniit pimoorussinernut ase-ruisinnaavoq. Tamatuma kingunerisinnaavaa atuarunnaarneq imaluunniit suliffivit annaaneqarnera. Hashimut atatillugu eqqartuus-saasimaguit imaluunniit akiliisitaasimaguit ilinniarfippassuarnut iser-sinnaassanngilatit. Aamma atorfittaarsinnaassanngilatit, tassa pine-qaatissinneqarsimannginnermik uppersarsaammik pissarsiniartus-saammata.

Inuusaasissarput nammineq qinertarparput, tamannalu ajunngitsumik ajortumilluunniit sammiveqarnissaanik sunnersinnaallutigu. Qinersinerit taakku illit nammineq akisussaaffigaatit – aamma inuunermi kingusinnerusumi.

Hashitussaguit, naak tamanna inatsisinik unioqqutitsinerugaluartoq, arlalinnik ilisimasaqartariaqarputit. Pingaarnert quppersakkami matumani allaaserineqarput.



Hashi Kalaallit Nunaanni ikiaroorartuni unioqqutitsinerni nalinginnaanerpaavoq. Hashi cannabisimeerpoq, tassa naasumit Cannabis Sativameersoq. Marihuana kaavequtip naalerneranit panertitamit pilersinneqartarpoq, hashili naasup ilaanit pilersinneqartarluni tiggunnertatut imaluunniit saattunngorlugu naqiterunneqartarluni. Hashi ikiaroorartuavoq marihuanamiit sakkortunerusoq. Sunniuteqartitsisartoq naasup orsuaneersoq taaneqartarpoq tetra-hydrocannabinol (THC) taannalu ikiaroorartitsisararluni. Hashi nalinginnaasumik cigarettitut tupamik akullugu pujortarneqartarpoq. Pujooq taanna naamallugu tungusunnissinnaavoq. Hashi inunnut assigiinngitsumik sunniuteqartarpoq misigissutsillu sakkortusisarlugit. Taamaattumik qanoq inneq apeqqutaalluni qiimmassimaarneq nikallunganerlu misigineqarsinnaallutik.


HASHI



QARASAQ

Hashi pujortarneqaruni THC sukkasuumik pujumit illumoorneqar-tumik puaat aqqutigalugit aap aqqutaanut pissaaq, taamaalilluni ti-mimi siaruarluni. Qaratsami assigiinngitsuni celleqarpoq THC-mik tiguisinnaasunik sunniuteqalersitsisinnaasunillu. Qaratsami cellit ti-guisuusut amerlanersaat nuannaarnermik, eqqaamasaqarnermik, aalanerit ataqatigiissarnerinik, tamaviaarnermik, eqqarsarnermik, misigissutsinik piffissamillu paasinninnermik aqutsisuupput.

Hashitornerup kingunerisaanik tamaviaarsinnaaneq killeqalertarpoq, eqqaamasaqarsinnaaneq killeqalersarluni, uiverneq, qisuariarsinnaa-neq sanngiillilluni, annilaanganeq ilinniarnermilu ajornartorsiuteqa-lerneq. Saniatigut sunniutit taakku hashitoreernerup kingorna ulluni arlalinni atasinnaapput. Ullut tamaasa hashitortaruit ataavartumik ilinniarsinnaanerit appartinnerinik kinguneqarsinnaavoq. Qarasaq aatsaat 21-nik ukioqalernerimi naammassilluni inerittarpoq taamaat-tumillu ikiaroorartumik taassuminnga misileraaguit ajoquserneri assut annertunerussapput.



Timip peqqissuunera

Haship pujua kræfteqalersitsinnaasunik tupatut akoqarpoq, kisi-anni 50%-imik akoqarnerulluni. Hashimik cigaritsiliat cigaritsinut nalinginnaasunut naleqqiullutik pingasoriaammik usserummik akoqarput. Hashimik pujortartut amerlanertigut puju itinerusumik sivi-sunerusumillu ilummoortarpaat, taamaattumik puaat pujumut kræfteqalersitsinnaasumik sunnertianerullutik. Inuit hashitortut allanut naleqqiullutik kræfteqalersinnaanerat 2,5-p missaanik qaffasinneruvoq.

Hashimik pujortartut inuit tupamik pujortartut assigalugit aneesaartornissamik ajornartorsiuteqarput. Iisarnaatit tassaapput ullut tamaasa quersorneq, annertunerusumik nualiorneq, torluup aqqu-taani ataavartumik nuaqarneq, puakkut nappaateqarnerulerneq kiisalu torlukkut aseruuttoorsinnaanerulerneq.

Sianissutsikkut peqqinneq

Inuusullutit hashimik pujortarlarsimaguit imaluunniit tarnikkut nappateqarnissamut qanereeruit tarnikkut nappaateqalersinnaaneq aarlerinartorujussuuvoq. Annertuumik hashitortarnerup aamma tarnikkut nappaateqartarnerup akornanni ataqatigiinneqarpoq, soorlu annilaanganeq, isumakkut nanertisimaneq, imminornissamik eqqarsaateqarneq aamma isumakkut nappaatigalugu kinaassusermik ajornartorsiuteqarneq. Taakku sarniatigut hashimik pujortartut akornanni tarnilunneq akulikinnerulersarpoq.



Pinngitsuugaqarsinnaajunnaarneq

Ullut tamakkerlugit hashimik atuineq sapaatit akunneri marluinnaat qaangiunneri pinngitsuugaqarsinnaajunnaarnermik kinguneqarsinnaavoq. Timi hashimut akuersaalersarpoq, taamaattumillu aannngajaarnissaq anguniarlugu anertunerusumik ilummoorussisariaqarluni. Piffisami sivisuumi annertuumik hashitoreernerup kingorna ullut marlussuit kingorna kingunerlutsitsinerit takkussinnaasarput. Tamanna sininneq sapilernermik, unnuakkut kiaguttarnermik, pufajanermik kajumissuseqannginnermilu ersersitsarpoq. Tamatuma hashimik atonerluinerup unitinnissaa piumentaallisittarpa. Kingunerlutsitsinerit sapaatip akunnerata ataatsip-marluk kingorna tammarsinnaapput.



INATSIKIT

pineqartissinneqartarnerlu

Hashi ikiaroorartut pillugit inatsimmut ilaavoq. Tuniniaaneq, pisineq, pigisaqarneq kiisalu naatitsineq il.il. inerteqqutaapput. Tamatumunnga pillaat tassaavoq akiliisitaaneq imaluunniit inissiisarfimmiinneq. Pillaat suliamiit suliamut nikerarsinnaavoq, kisiannili pineqaatissinneqarsimannginnermik uppernarsaammi sivikinnerpaamik ukiuni tallimani pisunilu allani tamatigut allassimassalluni.



Ilisimaviuk...

- Hashi eqiasuttunngortitsisarpog, sunniutaalu akunnerit 24-it sunniusimasinnaalluni?
- Ataasiaannarluni pujortarnermi hashi sapaatit akunneri arfineq pingasut tikillugit timimiittarmat. Tamanna isumaqarpoq aaversin-neqarnermi tamanna takuneqarsinnaasoq.
- Aalakoornartulimmik imerneq, tupatorneq ikiaroonartutornerlu imminnut atassuteqakkajummata? Inuusuttut pujortartartut aalakoornartulimillu sisamanik imertartut qaammammut marloriarlutik pingasoriarlutilluunniit taakkuusarmata akulikitsumik hashimik misileraasut ikinnguteqartartullu hashitortartunik.
- Hashimik pujortartartut hashimik pujortarneq ajortunut naleqqiul-lutik ikiaroonartunik sakkortuunik misiliinissaminnut 85-eriaam-mik kajumissuseqarnerusut tamannalu pinerlunniartalerner-mut aallarniutaasinnaalluni.
- Inuit atornerluinermut katsorsartinneqaraangata peqqinnissaqar-fimmut kommuninullu aningaasarpassuarnik akeqartarmata?
- Hashimik tigummiaraqarneq politiinit asuliinnaanngilluinnartutut isi-gineqarmat taamaattumillu ikiaroonartulerisoqarlutik, inuit hashimik tigummiaqartut paasiniarlugit akitsuuserivik suleqatigalugu.
- Ikiaroonartut pillugit suliart sularineqartillugit eqqartuussivimmilu sularineqartillugit politiini, unnerluussisuni eqqartuussivimmilu nukippassuit atorneqartartut?
- Hashimik pujortartumik imaluunniit hashimik atornerluisumik ilisi-masaqaruut tamatuma unitsinneqarnissaanut akisussaaffeqaravit. Tamanna pisinnaavoq kinaanerit oqaatiginagu politiinut attave-qarnikkut imaluunniit inersimasumik oqaloqateqarlutit.
- Hashi pillugu ilisimasatit uani misilissinnaavatit: www.peqqik.gl

IMAASSORISAT

Kikkut tamarmik hashitorput:

Naamik. Misissuineq 'Inuusuttuuneq artornartoq' naapertorlugu 15-iniit qummut ukiulinni inuusuttut 78%-ii hashimik pujortarnek misilissimannngisaannarpaat. Inuusuttut hashimik pujortarnermik imaluunniit naamaarnermik misiliisimasut marloriaammik amerlane-rupput, angajoqqaaqarunik imigassamik imaluunniit hashimik ator-nerluisunik.

Naaggaaruma avataaniitsinneqassaanga:

Naaggaarsinnaaguit immaqa ikinngutitit isumaqassapput torrallaa-sutit? Unnuup ingerlanerani hashimik pujortanngikkaluarlutit festi-mi suli peqataasinnaavutit imaluunniit ikinngutitit nuannisaqatiga-lugit. Ikinngutivit ilinnut nuannarinninnerannut imaluunniit nuan-narinninnginneranut naaggaarnek apeqqutaasariaqanngilaq.

Hashi 'eqqissisimanarnerummat' imigassamiit pitsaaneruvoq:

Hashi imaluunniit imigassaq ilinnut peqqinnartuunngillat. Kinaaneq apeqqutaalluni hashimut imigassamullu assigiinngitsunik qisuariar-toqarsinnaavoq. Kisianni hashi inatsisinik unioqqutitsineruvoq, taamaattumillu tigummiaqarnek imaannaangitsumik kinguneqar-sinnaalluni.



Najoqqutarisat / Kilder:

Henrik Rindom – Rusmidlernes Biologi,
udgivet af Sundhedsstyrelsen 2000.

www.netstof.dk

www.stofinfo.sst.dk

www.sundhedsstyrelsen.dk

www.sundhed.dk

www.peqqik.gl



© Peqqissutsimut Attaveqarnermullu Naalakkersuisoqarfik

Departementet for Sundhed og Infrastruktur 2014,

www.peqqik.gl

Layout: www.tita.gl

Naqinneqarfia/Tryk: www.monibrix.com